

rem; sed accepistis spiritum adoptionis filiorum, in quo clamamus, *Abba, Pater* (Rom. viii, 14-17).

CAPUT XXIX. — 26. *Patientiae pauperum Christi merces aeterna.* Clamemus ergo spiritu charitatis, et donec veniamus ad hæreditatem in qua semper maneamus, liberali amore simus, non servili timore patientes¹. Clamemus, quamdiu pauperes sumus, donec illa hæreditate ditemur. Magna quippe inde pignora accepimus, quod ad nos ditandos pauper factus est Christus, quo in supernas divitias exaltato, missus est qui sancta desideria nostris cordibus inspiraret Spiritus sanctus. Horum pauperum adhuc credentium, nondum contemplantium; adhuc sperantium, nondum tenentium; adhuc desiderio suspirantium, nondum felicitate regnantium; adhuc esurientium et sitientium,

¹ In omnibus prope MSS., *patientes*; sed in quibusdam sic verba interpunkta sunt: *non servili timore. Patientes clamemus*, etc. In editis autem cum eadem verborum interpunkione legitur, *Patienter*, etc.

nondum satiatorum: horum ergo pauperum patientia non peribit in aeternum (Psal. ix, 19): non quia et illic patientia erit, ubi quod toleretur non erit; sed non peribit, dictum est, quia infructuosa non erit. Fructum autem habebit aeternum, ideo non peribit in aeternum. Qui enim laborat inaniter, cum eum spes sefellerit, propter quam laborabat, merito dicit, Perdidit tantum laborem: quisquis vero ad sui laboris promissa persevererit, gratulans dicit, Non perdidi laborem meum. Dicitur ergo labor non perisse, non quia manet perpetuus, sed quia non est inaniter fusus. Sic et patientia pauperum Christi, sed ditandorum hæredum Christi, non peribit in aeternum: non quia et illic patienter ferre jubebimur, sed quia pro iis quæ hic patienter pertulimus, aeterna beatitudine persuemur. Non dabit finem sempiternæ felicitati, qui donat temporalem patientiam voluntati: quia utrumque munus donatæ donatum est charitati.

ADMONITIO IN SERMONES DE SYMBOLO AD CATECHUMENOS.

Quatuor isti sermones conjunctim vulgati alias fuerunt in tomo nono, et apud veteres codices MSS. perinde atque apud excusos appellantur de Symbolo libri quatuor, tribuunturque Augustino. Primus quidem sermo Augustinum omnino refert: non ita vero tres alii. Quippe in his tribus dicendi genus incultum et abjectum, non habet satis ingenii et gravitatis, sicuti videre est in sermone secundo, ubi legitur, capite 2: *Habemus et nos spiritualem nostrum aurigam, sanctum prophetam Eliam, qui quadrigæ igneæ superimpositus tantum cucurrit, ut metas prenderet cœli.* Scripturæ loca peregrinis verbis citantur interdum et explicantur eo modo ac sensu, quem Augustino adscribere non audemus, ut in ejusdem sermonis capite 5, nn. 13 et 14. Hunc præterea sermonem tempore persecutionis Vandalicæ, demortuo jam Augustino habitum, cum Ariani Catholicos modis omnibus tentarent, beneficiis æque ac injuriis avocantes a fide, suspicamur ex illis in fine verbis: *Hæreticus Arianus non insultet Ecclesiae. Lopus est, agnoscite: serpens est, ejus capita conquassate. Blanditur, sed fallit: multa promittit, sed decipit*, etc. In sermone tertio et quarto morantur nos causæ dubitandi etiam bene multæ, neque leviores. Possidius in Indiculo, cap. 40, recenset de Symbolo tractatus tres: sed hos in superiore tomo Sermonum habes, ordine 212, 213, sqq.

Sub fine in tomis item noni editionis per Lovanienses adornatae referuntur quatuordecim tractatus, quos paucis exceptis dubios habemus ac subditios. Horum quidam in Appendicem rejecti sunt, quidam vero hic suo loco typis minutioribus impressi, ut sermo de quarta Feria, seu de Cultura agri dominici, in cuius capite 3 locus Actuum, 1, 18, et in capite item 6 locus Joannis, vi, 51, citantur haud satis accurate: præterquam quod in capite 7 persecutio Vandalica notata videtur. Sermo etiam de Cataclysmo, ubi cap. 2 dicitur, Baptismo restauratum corpus ad priorem statum primi hominis ante peccatum. Et Sermo de Tempore Barbarico, qui capite præsertim 4 nonnulla continet minus consentanea sacræ Bibliorum historiæ, necnon exhortationem in fine ad roborandos Catholicos contra persecutionem Arianorum. Stilus certe horum trium æque rudis ac demissus minimeque Augustinianus. Denique eūdem auctorem sapiunt tum isti sermones, tum alii supra de Symbolo tres recensiti, aliquem forte ex discipulis Augustini, cuius sententias interdum, tacito S. Doctoris nomine, profert; veluti illam in sermone de Cataclysmo, cap. 3, *Tolle verbum, et quid est aqua nisi aqua?* Accedit verbum ad clementum, et sit sacramentum: quæ nimis ducta est ex Tractatu 80 in Joannem, n. 3. Hæsimus etiam aliquantum circa sermonem de Cantico novo, nec sine aliqua cunctatione pas-i sumus, cum nomine Augustini, quod olim gerit, rursum excudi. In capite 3 plures habet sententias ex sequente paulo post sermone de utilitate Jejunii, cap. 3, desumptas, scilicet, *Si.... jumento insideres, quod te gestiendo velle præcipitare*, etc., inque ejus fine concionator ad baptizandos, *Merces*, inquit, *nostra est, ut in illo sancto fonte adjutet nos orationibus vestris*: quod sermonis proxime subsequentis auctor non absimiliter exposcit a baptizandis, *Pro nostra mercede, in illo sacratissimo fonte pro nobis orate*